

陽春縣志卷之十

人物

其山崔巍以嵯峨其水泮滌而揚波其人磊砢而英多孫子荆之言也詎不信哉陽春山則秀聳水則澄泓靈秀所鍾代有賢杰夫立德立言立功謂之不朽不朽之實尚論者從而覈之而後筆於書將以傳信方來冀聞風而起者踵相接也士果懷抱道德置身青雲之上其勲績文章又足以彪炳宇宙尚已不然則文采弗彰而束修自好孝弟力田睦婣任郵之行爲閭里風詎非潛德之光哉

陽春縣志

卷之十 人物

一

行立名方軌前哲十室之邑大有人在此人物所由志也

宋

韋君載

元

梁國傑

明

崔士暉

莫尙俊

莫璵林

桂 徐 洪

吳 紀

劉廷亮

梁 棟

汪 漢

嚴 儀

賴 麒

賴玉德

謝

詔

何萬邦

汪雲梓

謝 詵

伍聚奎

胡秉忠

梁崇伯

張所學

陳 諫

楊鳳鳴

梁應材

羅光岳

謝良垣

馮仕琦

何 謙

伍 賢

黃

梁

謝 鏞

楊鳳翽

歐陽念

梁之屏

黃守誼

汪萬垓

謝 鏗

謝 鏞

梁 燧

張宏位

謝之棟

劉裔灼

陽春縣志

卷之十 人物

二

國朝

劉裔烱

楊 巽

謝 榕

曾嗣宗

李 素

陳炳璿

謝茂松

謝良遇

梁 燿

汪騰龍

汪元蒸

劉啟銘

陳 覺

譚文耀

黃守琨

李雲標

劉大鏡

楊公俊

劉啟鎰

李潤林

柯一林

胡國俊

敖宜廣

謝 棻

黃勳圻

謝 棧

劉家壩

張鑑

劉家城

梁

謝宏濟

敖臨

黃仁此

吳尙澄

梁劍

梁文淮

嚴朝傑

梁日璧

謝仲玩

李惟揚

林開譽

梁作文

王獻猷

謝惠成

吳廷

劉啟鈺

譚元陽

麥夢蓮

劉啟鈺

王定祿

黎大元

黃于相

吳昌儀

李家翰

李家裕

嚴鵬翔

謝衛生

陽春縣志

卷之十 人物

三

柯克岐

劉宗注

劉宗瀾

柯亭卓

吳愈登

劉宗濂

謝光天

范丕和

車君載字厚元，質穎，向學聞廣。師擇友學成而歸，登淳熙進士權，廣南東舉鹽茶，嘗奏減官賣鹽及增收鹽餉錢商民行業文章，一時推重。今祀鄉賢。

元  
梁國傑，有材畧，兩任鄰封，不私故舊，累官昭勇，將軍沿海招討使，威令嚴明，士卒用命，海寇逃歸。今祀鄉賢。子奎蔭爲安陸州吏目，歷遷奉訓大夫。知南恩州，轉朝列大夫。

陽春縣志

卷之十 人物

四

明

崔士暉，順陽都人，績學善屬文，洪武中邑令。邑丞吳子育皆留意作士，見士暉文器之尋樂戊子舉於鄉，潛爲撰題名記，同時莫尙俊、都人莫璵、南廂都人並以明經膺永樂癸卯，與士暉俱祀鄉賢。

林桂，太平都人，宏治七年流賊犯境，桂八之斃賊一十九人，賊衆潰亂，救出被擄者百餘。旣而暗自巡邏，猝遇賊奮戰死。本道陶魯

祭焉。

徐洪爲小旗宏治十五年十二月十六夜賊犯城  
洪與總旗胡玉協力射賊以鈎刀殺賊甚衆賊乃  
退民以保全旣而洪復追捕賊猝中暗鎗死聞者  
惜之

吳紀南廂義民官宏治十五年十二月十六夜賊  
犯城居民避於西門樓紀會總旗方仁奮力擊賊  
退之保全男婦無算

劉廷亮號枕岡其先閩人僑寓於春遂籍焉憤猺  
賊披猖與伍林黃姓者捐貲赴廣西招狼兵剿平  
之諸里排以猺所踞民間荒田簽與狼兵自耕而  
陽春縣志

卷之十人物

五

食防守汛地卽以劉伍黃林世爲招主猺患以息  
至康熙四年撤去招主悉歸保長然其功不可沒  
也

按是役也劉伍林黃並有功桑梓而舊志於劉  
則書名餘祇書姓豈當時傳聞異辭故畧之耶  
今世遠年湮益難稽攷惟邑之伍氏宗譜載其  
祖伍經綸與廷亮相貲募兵勦平猺寇事與此  
同然則志所稱伍姓者殆卽經綸歟噫文獻闕  
而一介義士並姓名湮沒弗彰者多矣伍林黃  
諸人猶得以姓傳不可謂非幸也

梁棟下馬水人正德間歲貢生講學不受修脯安貧不履公庭由教諭遷壽府審理十餘年謝官歸  
●如懸磬年八十考終殮無衾榔鄉人稱嘆之祀鄉賢

汪漢城南人歲貢生幼喪父事母克孝友族弟捐金爲之畢姻時西山弗靖二司舉爲叅贊有平寇功初授泰州州判陞福山令門無暮夜之金民有倉箱之慶獨修邑志百廢具舉祀鄉賢

嚴儀有謀畧嘉靖二年討賊親擒賊首械解軍門八年奉檄募兵三百截捕又獲賊首任元周二廩

陽春縣志

卷之十 人物

六

飛雲李把界等二十七名蓋屢立戰功云

賴麒城西門外人由歲貢授金華府訓導陞龍泉教諭請復勲臣崇祀之典賻助同僚蕭愷之喪致仕歸里絕跡公門故人梁棟父子三喪皆爲之殯邑人義之呈請大吏於嘉靖辛酉題祀鄉賢至萬厯甲申知縣黃憲清查出之然迄今人猶景仰也

賴玉德謝詔俱千長嘉靖三十一年流賊劫高明知縣謝復生以奉委調兵廉知玉德詔俱勇敢乃督令統兵往捕兩人奮不顧身皆爲賊害

何萬邦太平都人嘉靖三十一年流寇劫陽江萬邦借兵截擊之奮勇直前遂亡於陣

汪雲梓邑諸生萬曆四年倭賊劫陽江被圍甚急值久雨城多頽壞先是梓計誘倭人三十餘徒養之於家至是得所招倭人擊賊圍遂解

謝誥字步川輪水人由歲貢任江西寧州同知幼孤與兄介川相依式好爲州貳恬淡謙謹開誠先物約已裕用有少年坐賭博誥憐之戒令肄業後竟登第以廉能轉靖江審理歸而睦族和里孝友性成終身一轍

伍聚奎字星宇太平都人萬曆二十四年歲貢任歸州州判慷慨任事御下精明吏不能欺民不敢犯上官倚任焉聚奎知無不言故能爲百姓興利除害卓有政聲去後人思其德

胡秉忠字葵台邑城人萬曆己酉鄉薦任江南六安州牧威信明敏慷慨任事政暇以興賢作士爲務安俗素健訟秉忠蒞任豪猾屏跡州人稱治歸家建宗祠贍鄰族資賓興卷鄉里稱焉

梁崇伯字譚勳端謹和平與物無競自新會徙居陽春事母色養並隆母死營葬躬土木之役斷日

木爲斧所傷身壓木下忽若有拔之起者卒無恙  
蓋孝思所感子應材成進士崇伯愈謙抑日與素  
交載酒放談今古不與聞局外事當世名流咸重  
其品崇祀鄉賢

張所學字彥博邑城人由貢生任廣州府訓導日  
與諸生講明性理之學陞連州學正州故僻陋所  
學多方訓迪風俗翕然興起嚴氣正性模範足多  
云

陳諫字冲元亘古亭人貢生任江西安義令攻苦  
茹淡勤於民事時縣里甲遞年供役諫悉遣歸農

陽春縣志

卷之十 人物

八

前官催徵苛迫民多逃竄諫加意招徠俾復業以  
休致歸

楊鳳鳴字詡圭邑城人萬曆壬子舉人好學能文  
工詞賦著作甚富經兵燹散佚爲人憫儻喜談兵  
時流寇騷擾當道方督師撲剿鳳鳴率子弟壯丁  
偵知賊形勢指授方畧擒賊首吳馬如雪夜之人  
蔡州也其平寇詩至今傳誦之

梁應材號瑤石邑城人萬曆壬子舉於鄉天啟壬  
戌成進士初授江西進賢令進賢爲豫章劇邑應  
材以寬簡臨之而政無不理以艱去起補蕪湖令



甫下車進父老於庭問與革利病乃興學宮跡泮源繕隄堰申保甲繇是文物蔚興奸宄潛息兩攝關篆稅課外不問餘羨一切陋規悉除之以治最擢駕部主事尋遷吏部員外郎益清慎自矢及歸杜門不出鼎革後屬家人但呼曰阿翁後二十年卒壽七十二

羅光岳南鄉都澗水人由歲貢歷任雲南三泊合三泊地近滇多佛刹光岳至以清淨爲治本有盜誣陷良善富民多受害爲辨白而釋之問民疾苦革火耗清徭役去無名之徵開陂池之利受其惠

者誦德不休云

謝良垣輸水人由歲貢任曲江訓導性恬淡寬和廉介自勵課生徒隨事規戒悉心訓誨多所裁成庠序中有抱屈者力爲申雪其人固未嘗請也士仰之如山斗

馮仕琦字華宸邑城人萬厯戊午舉人官四川雙流令性方嚴却苞苴修學校治豪猾塞弊竇興廢墜民多雜派浮費悉爲請豁及歸囊無長物少時與兄仕瓊讀書西河龍巖庵至是仍課子姪於其地日與二三知己賦詩娛志焉

何謙字抱虛萬厯間由歲貢任江西樂平丞處心寬恕政無苛擾民供析薪謙嘆曰丞何功而受此耶樂平習俗獷悍謙嚴什伍之法奸不能容後以病歸惠政多端民深感戀

伍賢太平都人以崩石莊產捐爲學田縣尹熊烈記其事同時有黃裳字尙禮亦太平都人捐山口莊田歸學皆有功賢序者

謝鏞字天閑輪水人歲貢生警敏軼羣潛心理學名重鄉邑顧秉性曠達不汲汲於功名淡泊寡營而好周人急爲祖祠設嘗田崇祀事惇宗睦族井井有條子孫世守之不變

楊鳳翔字超凡邑城人崇正元年歲貢生初任福建崇安縣丞秩滿報最陞山東東平州州同時大旱民自相食任是地者多畏蕙鳳翔單車到官撫恤備至鄆城縣令缺鳳翔奉檄署篆調劑上下間軍民倚之若父母解組歸囊橐蕭然卒年七十五歐陽念太學生邑城人崇正五年流寇延城念率鄉勇與賊戰生擒賊首蕭阿四邑人賴之

梁之屏字翰之邑城人少績學爲學使者器重由歲貢授羅定訓導轉廣西來賓教諭飭躬講學士

類尊之嘗損俸修學宮首藉盤空脩然自樂也晚年居家敦厚樂易與物無競稱有道長者焉

黃守誼字岷依八甲人由歲貢授福建古田訓導闢學舍立文社課士如家塾子弟不問束脯捐俸倡修學宮扶振風教古田人士翕然歸之賦性慤直與人落落難合遇縣令有阿私不平事輒切諍之坐是取忌棄官歸十餘年足不履公庭明末授國子監學正著有燕京興五華風韻荔枝集年七十三卒

汪萬垓號水西邑城人崇正乙亥歲貢生純厚端

嚴勤學好問爲鄉里祭酒善誨人及門多掇科第者生平無誑言不與外事雅好吟咏日與親故唱和稱韻事焉卒年七十五

謝鏜字天聲輪水人崇正庚午舉人志行卓越以古人自期再上春官不第卽希蹤高隱和陶淵明歸去來辭以見志鑿池引泉栽竹灌花日以課子姪爲事不入城市者二十餘年壽六十六

謝鑛字天冶輪水人崇正壬午舉人幼嗜學以經術名里中好獎引士類登科後惟設帳講業敝衣藜藿不厭出遊郊邑人不知爲薦紳也性耿直遇

世變寇至大罵不屈遂被害年七十八

梁燧字真傳邑城人歲貢生資性端凝篤志於學奉父母問膳請衽愉色和氣先意承志人無間言能文章壯志未酬識者惜之

張宏位字素之邑城人由邑庠入爲國子生任承天府通判魁奇磊落鯁介不阿每出議地方事直言無隱凡可爲闔邑計安全者無不殫力圖之謝之棟字凝之輪水人性敏絕過日成誦經史百家靡不淹貫卓然抱命世才鯁介孤峭不隨流俗惟念闔邑利弊日以役繁賦重爲憂爲文獨出

杼崇正壬午鄉試之棟文奇甚初擬元後改置副榜第一以薦授兵部司務未竟其用知者惜焉  
劉裔灼字嗣華號東園三甲人由明經任信宜教諭事親色養並隆迨失怙恃友二弟益篤讀書聽秦漢以下卓有大志年六十領青氈時兵荒學廢裔灼捐俸重修申訓多士信宜文風始振嘗語諸生日學人縮頭角好脂韋如衾影何蒞任三年歸里著述人稱東園先生後值滄桑爲僞賊所困正色厲拒賊不敢害士寇逞毒鄉鄰毅然請兵高州剿平之周恤孤寡猶其餘事後昆科名濟美咸謂

盛德之報云

國朝

劉裔炫字嗣昭號綺園太平都人甫成童有聲庠序順治庚子舉孝廉篤內行明大義吳逆陷粵聞其名欲強以職堅拒之困之囹圄弗變也康熙己巳授山東濟陽令廉潔慈愛以弭盜興學爲己任有古循良風顧性耽林泉效東坡和陶詩以見志未幾謝病歸濟陽人爲繪圖作頌家居絕跡城市課子多成立鄉閭有大舉詣門請靡不立斷丁丑歲歉傾貲以賑存活甚衆性嗜學淹貫羣書前邑

陽春縣志

卷之十

人物

十三

志多出其手著有述古家訓及賞奇軒集行於世楊巽字占淳邑城人其先山東武城人洪武間始祖義以軍功起家世襲陽春所千戶巽少有大志好謀畧明季四方盜起紳士推爲團練征西山與齋公諸賊著有奇績當事上其能使襲祖職加授都司仍保守鄉里時有僞伯羅成耀統叛兵圍春州城幾破巽率家丁死士數百開關迎戰死於城下賊亦大創遁去城賴以安巽繼妻朱氏矢志撫孤語在列女傳時人謂夫烈婦節兩足欽云謝梓南鄉都輪水人生員英燦之子孝廉鏗之孫

也年十六鄰寇劫輪水其母蘇氏被難梓在塾讀書聞之號泣追十餘里願以身代母賊感之釋其母而繫梓去鄰邑宰孫廷鐸聞其孝捐俸贖之歸然傷重矣數月死

曾嗣宗字子述號雲亭爲諸生慷慨有大志順治丁亥土寇兇擁圍邑城僻遠無援衆束手無措嗣宗毅然曰如蒼生何予身詣肇慶請軍適帥遠出西粵復并力馳赴高州詣帥請帥疑之嗣宗涕泣願械縛以從如虛甘戮帥感之移師至賊奔潰邑賴以安

陽春縣志

卷之十 人物

十四

李素有義氣膂力過人充邑練巡獲勤勞值小醜掠輪水寨素屬鄰練挺身赴救遇賊竟日獨戰負數十創而死輪水人感而誄之聞其事者亦贈詩以爲俠烈俾

陳炳璿字瑞御亘古亨人博雅好古爲諸生以醇謹自守名貢成均恬淡不仕人有過耳不欲聞惟就其善者獎成之僮僕有違不加鞭朴微以意諭戒而已暮年杜門謝客吟咏自樂鄉人重之

謝茂松字麗昂明經鑣之子增廣生性純孝事親務得歡心與兄晉昂建宗祠置嘗田以崇祭祀端

方率物里人比之王彥方讀書淹貫暮年猶手不釋卷義方訓子庭除肅穆屬纊時猶諄諄以睦族親鄰囑其子校云

謝良遇字君明南鄉都輪水人也幼穎敏學行醇謹由歲貢任清遠訓導毅然以勸學與文爲己任訓迪有方士信從之偶與當事忤嘆曰偃蹇一羶何爲也拂衣歸餐糲茹蔬怡然自得

梁燿號壇山吏部應材子也穎異嗜學持己謙冲順治甲午歲貢以雙親年高不肯謁選侍疾弗離左右飲食藥餌必親調劑以進父母惜其勞令小息弗忍去也居喪絕粒哀毀苦塊三年未嘗稍易愛慕其至性過人如此

汪騰龍字致雨質直和平義之所在慷慨施與族有婚喪不能舉者贈之貲里人有艱苦者矜而恤之暮年携家隱居石棗嗜善弗倦順治十二年御史張給善人匾獎焉從輿論也

汪元藻號岩叟城南人順治丁酉歲貢性至孝早失怙事祖母梁得其歡心撫育幼弟友愛彌篤少而力學試輒冠軍教授生徒者幾三十年爲人坦白不能隨人意曲折廉介自守正直不阿邑宰

敬之

劉啟銘字湯衡日新其號也三印人貢生幼失怙事母以孝聞待弟以友著邑人顏其堂曰式好篤嗜儒術立鄉塾延師教小子貧者給以肄業資多所成就接人以禮好施與賑饑卹寒修橋施耨未仕卒於家康熙六十年崇祀鄉賢子宗泮邑廩生砥礪廉隅保童子應試剔除時弊而資其空乏愈謂有父風云

陳覺字益潤邑城人庠生性至孝母歿號慟逾常自既殯至終喪悉遵古禮己酉赴鄉試先試期一

日聞其父凶問奔而歸哀毀尤甚學博陳世蓮延爲座上賓重其行且將朝夕解慰之覺固辭不獲仍衰絰不去身闋五月竟以哀傷卒年三十二無

譚文耀字西崖邑城人賦性淳謹口無妄言自新會來卜居與君子敦古處聞人善則殷然勸勉聞人惡則俛若不聞事母純孝母歿營葬不假工匠至十指血出不知苦也愛讀書晚耽山水策杖尋幽有詩云堪嘲白首西崖老八十東山屐未休實錄也孫予芳舉孝廉



黃守琨字德聲一字敬軒太平都人邑諸生通經史有才畧時土寇猖獗里無安堵守琨捐金築石寨與鄉族同居八甲爲春州邊壤與高郡枕界鞭長不及伏莽易滋守琨周覽形勢請於憲司立廓黃鵝公二汛至今賴之居家以孝友聞修祖祠置嘗產立族規以爲世守子仁虬自有傳

李雲標字成玉號擊柱岡尾人庠生少卓穎善屬文居家以孝友稱豁達慷慨交遊悉當時名宿遠邇推服焉晚耽山水嗜吟咏高致不在青蓮下

劉大鏡字若水號澹庵三甲人少有文名嘗語人

曰吾輩淹貫子史當見之實用豈徒效蠹魚生活耶事親孺慕弗衰縣令楊良爲文表之爲諸生慷慨有志畧時土寇蕭猶中流毒邨莊大鏡率鄉勇捍禦龍灣一寨獨無恙蒼黃中民艱於食推解活之壯歲舉明經北上與海內名公遊歸益嗜學前輯邑志多咨訪焉晚病日至八旬雙眸自開因別號重明亦奇徵云

楊公俊字丕顓號應山陽春千戶異之子也異以軍功累遷都督同知卒於難語在本傳異歿時公俊年甫十齡辟踊哀毀如成人自是遇家祭必泣

然泣事繼母撫孤弟創宗祠建家塾孝友博聞  
於性生尤負經濟才達時事康熙初軍興身午矢  
役浩繁俊獨倡照稅均攤之議使雜務派歸米斗  
夫役派歸烟丁縣白其議於當事報可人無偏累  
民力以甦康熙辛未歲饑出粟平糶與同志捐金  
建尊經閣及飛雲樓俊弱冠補弟子員四十二歲  
應歲薦著有我閩軒稿年五十二卒遠近嘆唱孫  
祖燾樂善好施如其大父

劉啟鎬字荆衡號玉峯三甲人由太學生考授州  
同康熙四十一年邑潦橋圯啟鎬捐貲修建雍正

四年穀貴捐三百石以賑建義塾於鄉來學者貧  
寒廩之赴試贖之恤佃免租憫貧施糶悉行以終  
身鄉賢啟銘其兄也時有二難之日子宗湘由舉  
人官刑部員外郎孫世槐貢生皆慷慨樂施克承  
先志

李潤林字悅生號陶岡未冠遊於庠錚錚有聲性  
耿介爲諸生三十餘年未嘗私謁長吏課生徒以  
孝友廉謹爲典型章句其末也晚年鍵戶著有四  
書詩經要領性理錄蘇文箋藏於家康熙壬午歲  
薦督學臧大受稱爲嶺表文豪名未達部而終士

林惋之

柯一林字翰選號冷村邑城人弱冠工詩文爲名諸生以明經司教瀧州捐修學宮勤於課士以母憂去州士爲之立碑旋補廉州訓導不赴怡情書史絕跡公庭課子弄孫晏如也處戚黨閒耿介不阿爲文高潔兼通岐黃博識古彝器書畫卒年七十四

胡國俊字傑士號瓊石歲貢生文譽早著壯歲由新會來居春州學士翕然就問今薦紳前輩多出其門

陽春縣志

卷之十人物

九

敖宜廣字餘軒號槐園邑城人其先陽江人康熙元年徙陽春宜廣性至孝失怙恃時年甫十二哀毀如成人旣葬拮据營家計撫其八歲弟宜翔比成立推產分贍之創置嘗田歲時供祀無匱與人交恂恂謹厚遇橫逆常避不與校閭左有睚眦者赴廬相質一言立解性好施予康熙丁丑大饑捐米以賑邑令李以好義可風綽楔表其行焉

謝棻字挺彥祖孝廉鑛父映澗相繼逝棻年十四家徒壁立奉母鞠弟不以貧故少嗇親卒營葬剪荆榛蠲土石上下山麓間不自知其勞勩也捐置

嘗租與弟機同修祀事友愛終身性好施有問以子孫計者曰若曹果鍵戶讀書率祖攸行美莊豈過是乎子有光陽江藉歲貢以光及孫能拱登賢書參光餼於庠

黃勳圻字允猷號靈溪邑庠生所居曰扶民堡春江交界地也嶺險峻行旅苦之勳圻捐資修砌其路高峒邨所經之水造石橋以利涉賴及兩邑癸巳歲饑出粟平糶不足復捐金市陽江穀以資接濟鄉鄰歸美之勳圻謝曰吾方愧不能兼濟而敢自以爲德乎可以風矣

謝梭字巍夫號蒙溪茂松子邑庠生博覽羣書雅工吟咏建義學歲延師教族中子弟之秀者捐田租三百石爲師生膏火費其他平糶焚券惠及桑梓不可枚舉怡情山水風致翛然年四十三卒著有西園遺集

劉家壩字怡士號靄齋裔焱子國學生考授州同謹厚無妄言時邑紳衿多抗逋劉爲望族家壩以身率衆額欠糧銀甫開徵卽先完納人爲鼓舞好施與而不濫有雙滄千總何振先者雲南人母老不能迎養壩助以百金振先死亦家壩實贖之而

歸其櫬康熙辛丑雍正丙午皆年饑倡義賑濟全活各萬人子八人啟鏐歲貢啟鈺舉於鄉

張鑑字子慎號借堂邑城人三歲而孤十八補弟子員久之貢成均年五十三矣越四年喪母哀毀中禮好學深思書義有纖悉疑必求析乃已秉鐸信宜設臯比於官舍四載問業者無虛日信宜科第聯翩鑑之力也解組歸紳士爲之伐石年七十四手輯文藝刪補四書大全評選唐詩丹鉛無倦謂子若孫曰好爲之是爾曹之恆產也邑名士多出其門至今論文行者輒曰劉家坡張鑑云

劉家坡字峩士號芸齋三甲堡人弱冠補弟子員以歲貢生任瓊山訓導生平慕邱文莊海忠介爲人績學淵涵稊躬剛正事父與嫡母愉色柔聲溫清無間生母亦如之兄弟八人終身式好其司訓瓊山也精心啟迪經其講授爲文詞皆有法度捐俸修

大成殿選時藝以式初學在任二年卒諸生衰經徒步千里歸其喪者十二人生平多善舉葺宗祠修族譜捐穀賑歉爲尤足稱家坡父裔炫別有傳伯兒家竣亦秉鐸封川蓋世濟其美云

梁焯字真儼號遜庵邑城人吏部應村猶子也性醇謹圭角盡化有汪汪千頃風初進武庠棄之旋入文庠好古書號淹博兄燧亦以文望豪一時燧以高明焯以沉潛時有兄夷弟惠之日年十四失怙善事母兄弟五人友于無間建祠修譜捐租充嘗稱敦睦焉晚領歲薦愛冠溪山水奇勝卜築與五子同居顏其邨曰翁邨

謝宏濟字皇任號西峯大醮岡人家貧好學父萬祥年九十餘宏濟色養備至義方教子善誘初學受業者多所成就子惠成別有傳孫祖錫並官廣

文餘皆庠士宏濟壽躋八旬夫婦齊眉疊膺

封典人以爲積善之報

敖臨字亦簡號敬菴邑城人少勇俠不拘小節康熙末年粵東多盜有梁二伯者虎踞西水灣肆出剽掠電白營將陳奉檄進剿與臨謀臨潛身夜入賊營猝縛之以獻旋至西山誘盜首陳冬灰出而殺之時新興之甕洞盜首李黑三聚衆數千旁邑騷動制府楊榜示有能平盜者予以官臨率鄉壯士直搗其巢殲之甕洞平除電白把總總督孔其勇畧復除虎門千總命領左翼鎮標兵千

番禺市橋海盜臨環海數十戰生擒渠魁毛猪等四十餘名斬馘無算擢廣海守備先是廣海盜陳大樂嘯聚百峯山臨至卽領兵入四面環擊之賊大潰殺者擒者不下三百餘名百峯寧謐臨料敵多中謀定而後戰平時撫馭以恩及摧鋒陷陣身先士卒出其技勇銳不可當故所向克捷居官三十年歷任叅副未嘗稍改素風年六十以覲入京卒於道子泰辛酉選拔

黃仁虬字行符號健菴守瓊子邑庠生弱齡兩遭寇變避亂西寧事父母溫清如常日八甲多盜仁

陽春縣志

卷之十

人物

三

虬訟除之里中稱孝義其設立學田鼓舞後昆請徹櫃徵嘉惠桑梓懿行尤卓守瓊捐築石寨請立那黃鵝公二汎仁虬實佐其議縣尹王以繼述濟美旌其門妻劉氏八十二歲受

恩賜子庠生朝賡克體先志

吳尙澄字如登靜溪其號貢生慷慨好施尤周恤寒士歿時自薦紳至野老咸嗟惜之輓詩哀然成集序之者莊中丞有恭衛少廷尉廷璞也尙澄能詩學嶺南三大家而得其趣著有松園遺草子昌儼亦貢生好義急公有乃父風邑令向顏其門曰

善行裕後蓋不誣云

梁鉞字兼最國學生出嗣叔父埏事所後母至孝歿而廬墓三年居本生母鄧氏喪幾不欲生出多金助其兄若弟爲喪葬費辭不受鉞長跪泣曰若然是使不孝覘面目以食息人間矣兄若弟亦泣感其意受之旁觀交相嘆息性慷慨好周人急建祖祠立族規生平無片牘入公門乾隆四年饑悉力捐賑一鄉賴以存活焉

梁文淮字宣泗號竹溪邑城人貢生祖英德教諭望父候選州同士館文淮讀書不屑章句操行不

襲虛聲婉容愉色以事雙親排難解紛以處梓里焚券贖孤施棺散藥乾隆七年穀價騰貴出穀千石白當事設法平糶撫軍王縣令董並給匾旌其門子振幹貢生好義克承父志

嚴朝傑字柱臣增廣生父萬孚動循古禮朝傑少遵庭訓讀書植品非公事不謁縣庭性克孝父病藥餌必親嘗執親喪三年不入內有業儒者以貧故將輟業朝傑貽金曲成之乾隆七年饑捐資以賑鄰里歿而薦紳先生重其行徵詩輓之  
梁曰鑿邑城人歲貢生官惠來訓導恬淡冲和讀



書至老猶日手一編常扃戶教子孫安貧樂道聚  
順一堂怡然也

以上見舊志

謝仲坑字孔六一字耳溪輪水人性穎異品學深  
純爲惠學使士奇所得士雍正癸卯解元丁未登  
明通榜初任長寧教諭陞授湖南平江令甫下車  
首興學校折獄多所平反案無留牘時有謝青天  
之目遷荊州府通判奉檄清釐兩湖大獄二百餘  
案涇渭立分無枉無縱隨以歸州盜案堅不會印  
事直聲達于

陽春縣志

卷之十 人物

三

朝引

見擢常德府同知歷任長沙寶慶永州襄陽宜昌衡州常  
德七府知府護理衡永郴桂道駙鹽長寶道所至  
有政聲居官三十餘年解組日貧如故令平江時  
嘗撰句云縱有饋遺都却去更無情面可求來其  
廉介可知也著有楚南紀畧山餘堂詩集耳溪稿  
行世

李惟揚字修光號崧臺李堡人自少英毅夙成資  
兼文武春夏讀書秋冬射獵始應武試輒冠軍康  
熙辛卯領解壬申舉武進士第二人及第

欽點侍衛惕勵勤勞早邀

聖祖仁皇帝知遇

天語屢獎之嗣經閣臣保舉

詔以要地擢用後復奉

旨任滿洲圍場行走隨乞假省親有白金之

賜假滿授狼山遊擊

世宗憲皇帝朝擢涿州叅將入

覲

錫賚稠疊既又擢浙閩督標中軍副將調福建延平城守

副將累遷廣東左右翼鎮總兵官

陽春縣志

卷之十 人物

三

賞戴花翎乾隆初恭遇

恩詔蔭一子惟揚再赴

闕廷尋改福建澎湖水師副將方以晚節爲兢兢旋

自引退計惟揚宣力中外三十載入徙官兩移重

鎮身際

昇平挽弧射鵬沒金飲羽之技無所用其巧惟於三

朝

聖眷之隆足以見其爲人子十二人長伯豪武進士次伯

傑從二品蔭生次伯桓伯康俱武舉餘諸子暨孫

多庠士惟揚晚年工吟咏著有崧臺集

林聞譽字體仁號靜山生而穎異日誦數千言鬚  
齡通經書左史大旨爲文章一準先正元長詩選  
童試時宋太守試以七題日未晡七藝成就有金  
馬玉堂之日庚子膺鄉薦辛丑捷南宮癸卯陞保  
定縣令治績卓異引

乾隆知霸州兼攝南北兩岸河員解組後兩袖清風娛情  
詩酒手註唐人試帖三卷自著花笑軒詩文集十  
餘卷排律二卷襍著十餘卷其門人強有力者或  
付梓以傳

陽春縣志 卷之十 人物 三  
梁作文字有造一字網菴南鄉都附城人乾隆庚

午由廩貢生試京兆中副榜考充官學教習繼登  
癸酉賢書授國子監學正丁丑成進士授河南項  
城知縣治項四載政尙寬簡訟庭常虛公餘與都  
人士談藝尤矜恆寒峻更建蓮溪書院按月課士  
多方獎勵之己卯七月飛蝗過境蔽空作文齋沐  
禱于神蝗遂去不爲害辛巳秋河決直注項之澱  
河澱北邨落盡汨時作文方臥病蹶然起親率吏  
民于澱河南岸星夜築堤澱南賴以全活者萬家  
顧勞憊病篤未幾卒宦橐蕭然項人捐資購之建  
廟蓮溪書院祀焉

王獻猷字約軒城西人家貧力學謙恭端肅有古  
儒者風由拔貢官浙江山陰縣丞廉介自持時有  
富民被誣獻猷奉檄鞫訊得實立釋之富民感其  
德餽以金力却不受後改遂溪教諭家徒四壁泊  
如也著有約軒詩藁

謝惠成字恩煜號恕菴思良都人宏濟長子少篤  
志博物弱冠爲名諸生旋食餽陳學使惠華奇其  
文延校試卷雍正乙卯膺選拔就職監州旋充正  
藍旗官學教習既而改就廣文以親老便迎養也  
歷任英德三水教諭署翁源樂昌學博訓士務敦

實行多所陶成生平捐修祖祠倡置嘗產里族中  
婚喪無力者飲以金而自奉特儉歷官十餘年服  
御常如寒素子祖錫庚辰鄉薦仕浙江太平令次  
鳴臯餼於庠

吳廷字政鈇號榮川七甲石碧人太學生剛毅性  
成家修自勵生平不瑣瑣治生產輕財好施周急  
賑饑力行無德色尤具謀畧明大義遇事排解艱  
鉅不辭里族遠近倚賴焉

劉啟鋌字肇兼號和軒家坡仲子歲貢生天資高  
邁博覽羣書工吟咏爲文力追唐宋弱冠樹幟膠

序以經義見賞於王督學安國首拔之持身謙謹  
喜慚不形好獎引善類排難解紛一坐立間身容  
必肅其素性然也壬申隨父宦瓊山遭大故哀毀  
幾隕其生友于日益篤戊寅邑饑啟賑倡議捐穀  
以賑又先自裹飯爲糗親給餓者於途存活甚衆  
邑令姜山以仁里可風旌其門性恬靜寡營社門  
教子姪弗輟輯有經義博說詩文詞賦選等書年  
七十三卒

譚元陽字叔瞻號懋齋城西人讀書一覽成誦髫  
年通五經工書法試輒冠軍鄉闈七薦不售以歲

貢授樂昌訓導講學談經士咸折服居常孝友狷  
介家貧而不苟取嘗拾遺金於道遣人伺其主歸  
之遺金者以半報堅謝弗受鄉有訴子於官者媿  
爲排解論以孝慈父子感泣去晚年生子敬昭人  
謂厚德之報年七十七卒於官

麥夢蓮字錫君單寮人歲貢生父常彩赤貧而喜  
教子讀夢蓮幼就傅瑞雲書院數日輒携米給之  
夢蓮必預市餅以進父歸送里許乃返益攻苦績  
學邑侯朱公夜過書院聞書聲琅琅達旦名見里  
董之弱冠補博士第

其質者假徒不計脩脯

人雖力無得

恬淡樂易蓬室蕭然子穆市

五經

劉啟釘字肇調州同家墮第五子也性敏年十五以六經補弟子員居常事親不離左右躬自服勤絕不假手僕御遭親喪雖既虞哀至輒慟遇親之所嗜必悲哽不能食時稱劉孝子

王定祿字士昌六甲人賦性醇厚濟人利物無德色有古樸風六甲兵民雜處定祿倡分堡甲而盜靖蕙茅原積田數百畝常為士惡毀圳絕其灌溉定祿竭力出資區里人營水利田以有秋敬宗修

陽春縣志

卷之十 人物

三

睦鄉族德焉

黎大元字敦善邑之增生古樸村人幼耽經史潛心性理之學蓬蒿滿徑晏如也篤孝友年近六旬色養不衰兄弟間毫無忤色其教人以敦本為要文律準諸先正見有志之士曩掖務使有成恬淡端和望而知為有道之士

黃子相字佐憲八甲上黃洞人幼失怙恃家徒壁立立鸞疏以奉養繼母愉色婉容里稱其孝晚年家稍贏餘其兄困乏子相極力周護不以異居而或池其情且視猶子如己子焉

吳昌儀字恭禮八甲松園鄉人六歲失恃十歲  
怙事繼母竭力承順甚得歡心奉庶母如禮且篤  
天顯伯仲訢訢人稱式好里閭推爲堡正善者獎  
勸之不善者督責之數年而盜息歿後堡內紳耆  
嗟惜不已云

李家翰字德豪潭水堡人孝友夙敦以歲貢歷署  
清遠增城學博甚得士心生平好施無吝嘉慶己  
未潭水墟北門頭火延燒七十餘家家翰捐金周  
卹癸亥歲大饑復竭貲倡賑施粥二十餘日野無  
餓殍梭羅陂荆山逕川途交險多溺躓之虞家翰  
倡建石橋并夷逕路數里崎嶇遂平如砥與人謀  
事開誠布公爲邑士推重若修建

文廟書院諸鉅工靡弗咨之任之而家翰必竭心力  
以始終之卽今修志亦其一端也稿甫就而家翰  
卒年七十二

李家裕字德颺號賡庭潭水堡人由例貢生授州  
司馬胸坦易無城府常靜坐寡言事母孝謹奉庶  
母亦如之仲弟病篤未有嗣裕泣禱願減算以代  
季弟庶出少弱愛護彌至樂施與潭水埠頭木橋  
當衝易圯家裕倡捐甃石行者便之乾隆戊申福

春園火遭燬者百餘家逾年又火嘉慶己未本園  
北門頭亦災家裕暨堂兄家祥家翰疊捐資以恤  
癸亥春亢旱人饑復與家翰捐米八十餘石倡施  
糜粥全活甚衆又置田畝囑其子才璨等世世爲  
施棺助殮費其歿也聞者爲之屑涕

嚴鵬翔字興邦國子生松栢鄉人性剛直勇於赴  
義見人有過面折之又教訓之遇鄉族鬪訟必委  
曲勸諭使之冰釋或酬以金堅不受乾隆丁卯修  
建學宮及文塲鵬翔董其役四載任勞未嘗自  
詡

謝衛生輪水人世業儒衛生學尤苦而艱于遇年  
四十始補博士弟子員家壁立事母孝常舌耕以  
供菽水溫清定省禮節罔虧中歲後孺慕彌篤性  
耿介蔬食菜羹恬然自得也卒年逾六十

柯克岐字子芳邑城人庚午副貢元吉之子也性  
純孝竭力事親父歿母失明且久病克岐夫婦年  
逾五旬數月交待寢側衣不解帶毀瘠雖形不知  
也生平鮮嗜慾寡言語安貧守分世利不營蓋篤  
行君子云子士伯歲貢生

劉宗注字聚文三甲人貢生溫厚好施不形德色



族子有游惰者責論之而資以業本雖強悍輩莫不德而敬之乾隆戊寅歲饑宗注倡捐賑濟全活多人辛巳三甲墟災復捐錢卹助屬續時惟諄諄以善遺訓子世楹等倡修祠宇砌築橋路猶有父風皆宗注貽謀之善云

劉宗瀨字聿觀號青嶽三甲磻溪人也乾隆鄉薦少穎悟十歲通詩文詞賦號神童年十三督學所器重將拔以優行旋舉賢書官州家居輯四書精義經學指要以訓後進

陽春縣志

卷之十

義藏于家其天分既優學力亦宏其述多可稱柯亭卓字子石號介巖邑城人慧過目成貫兼通術數之學既乃志六經為香齋制義則力追歸胡粹然可軌在庠由甲午司貢庚子鄉薦甲辰試奉闈

老斷數目之  
乾隆己酉其鄉河子嚴災燬莊

石碧嶽  
性端  
三分田

之生平嗜古能文年十五補弟子員四十膺歲  
晚益扇讀不休士林重其品學

劉宗濂字翰圃郡庠生劉啟鏐家子也貌魁梧以  
品學爲士林推重鄉薦後課徒三十年從之遊者  
靡不稱其和粹家甚貧事八旬父母友同懷弟四  
人鷄豚籩豆間藹藹怡怡儼若素封者乙卯挑授  
知縣改就校官歷任合浦欽州揭陽諸學所至執  
經請業無虛日以身爲教薰陶之益爲多二十七年  
十九卒於揭陽官署

陽春縣志

卷之十人

壽

析恆以租息所入分贍其兄年逾七旬以歲薦  
潮州司訓在任十餘載和平廉介潮士德之  
范丕和字醇士一字厚庵麗洞人性孝友恆以  
勤人嗜學不倦年登耄耋猶手不釋卷嘗修家  
建祠宇著有詩經彙錄六卷通鑑綱目輯要  
課讀逾三十年安貧知命屢空且如遇族黨有  
喻以情理咸心折焉山庠生辛酉

欽賜副榜甲子加

賜舉人

耆壽

葉南魁九十一歲

李賢秀八十五歲均康熙九年

恩詔給賜粟帛舊志列選舉鄉飲條內似屬不倫今另編於此

陳日全一百一歲家潭西石累世務農愿樸安分

梁 燧一百歲家西門外大鬧街

恩賜八品滿酒不羈雅嗜浮屠家言實能外形骸以理自

勝而不為紛華侵擾者

陳朝隆西河人年九十一

恩賜八品夫婦齊眉子孫曾元多至七十餘人天倫之盛

實為罕觀

陽春縣志 卷之十 人物

三

譚洪躍八十八歲城西沈馬街人邑庠生敦厚恂

謹子子芳登賢書洪躍愈謙下鄉黨間羣稱長者

焉

謝萬祥年九十六歲順陽都平結村人英德教諭

謝惠成之祖也忠厚樸直耄年猶手不持杖日行

百餘里矍鑠異常妻黃氏九旬偕老健亦如之

以上見舊志

彭志傑石叢堡人現年一百一歲